

VII. TRANSPARENTNOST I JAVNOST BUDŽETA

Član 35.

U cilju obavještanja javnosti o upravljanju javnim prihodima, periodični i godišnji izvještaji o izvršavanju Budžeta objavljuvat će se na službenoj stranici Ministarstva finansija u roku od deset dana od dana njihovog podnošenja.

VIII. KAZNENE ODREDBE

Član 36.

Novčanom kaznom od 1.000 KM do 3.000 KM kaznit će se za prekršaj nosilac izvršne vlasti nadležan za oblast finansija, odgovorno lice budžetskog korisnika, odgovorno lice vanbudžetskog fonda, ili drugo odgovorno lice, ako:

1. izvrši isplatu plaća i mjesečnih novčanih naknada korisnicima prava u visini iznad iznosa planiranih sredstava u budžetu za te namjene (član 18. ovog zakona).
2. ne primjenjuje sistem budžetskog računovodstva (član 23. ovog zakona),
3. ne osigura sistem interne kontrole u skladu s propisima (član 34. ovog zakona),
4. ne podnosi periodične finansijske izvještaje (čl. 29., 30., 31. i 32. ovog zakona),
5. ako vlastite prihode koristi suprotno propisima (član 14. ovog zakona),
6. ako koristi sredstva za kapitalna ulaganja i tekuće transfere prije provođenja procedura i postupaka propisanih Zakonom o javnim nabavkama Bosne i Hercegovine (član 20. ovog zakona).

Član 37.

Novčanom kaznom od 1.000 KM do 3.000 KM kazniće se za prekršaj odgovorno lice u Ministarstvu finansija i odgovorno lice budžetskog korisnika, ako:

1. vrši obračun i isplatu plaća i naknada uposlenika bez rješenja o zasnivanju, odnosno prestanku radnog odnosa i odobravanju isplate naknada, (član 18. ovog zakona),
2. ne omogući nesmetano vršenja budžetskog nadzora ili odbije dati budžetskom inspektoru na uvid svu potrebnu dokumentaciju.

IX. PRELAZNE I ZAVRŠNE ODREDBE

Član 38.

Ovlašćuje se ministar finansija, da uz saglasnost Vlade, o provedbi ovog zakona donosi pravilnike, uputstva, naredbe i druge akte.

Član 39.

- (1) Na pitanja koja nisu regulisana ovim zakonom, primjenjivat će se Zakon o budžetima u Federaciji Bosne i Hercegovine.
- (2) U slučaju da drugi zakoni i propisi sadrže odredbe o načinu izvršavanja budžeta i pravima i obavezama korisnika budžetskih sredstava koje su u suprotnosti s ovim zakonom, primjenjivaće se odredbe ovog zakona.

Član 40.

Ovaj zakon stupa na snagu narednog dana od dana objavljivanja u "Službenim novinama Kantona Sarajevo", a primjenjivaće se od 01. januara 2015. godine.

Broj 01-02-5224/15
31. marta 2015. godine
Sarajevo

Predsjedavajući
Skupštine Kantona Sarajevo
Sejo Bukva, s. r.

Na osnovu člana 18. tačka b) i člana 30. stav 2. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 31.03.2015. godine, usvojila je

ZAKON

O IZMJENAMA ZAKONA O VISOKOM OBRAZOVANJU

Član 1.

U Zakonu o visokom obrazovanju ("Službene novine Kantona Sarajevo", br. 42/13 - Prečišćeni tekst) u članu 71. stav (2) iza interpunkcijskog znaka zarez, riječi: "uz obavezu da započeti studij završi najkasnije do 30.09.2015. godine" zamjenjuje se riječima koje glase: "uz obavezu da započeti studij završi najkasnije do 30.09.2018. godine".

Član 2.

U članu 163. stav (6) iza interpunkcijskog znaka zarez, riječi: "s tim da se naučni stepen doktora nauka na ovaj način može steći zaključno sa 30.09.2016. godine" mijenjaju se i glase: "s tim da se naučni stepen doktora nauka na ovaj način može steći zaključno sa 31.12.2018. godine".

U stavu (7) iza interpunkcijskog znaka zarez, riječi: "imaju pravo steći naučni stepen magistra nauka zaključno sa 30.09.2015. godine" zamjenjuju se riječima: "imaju pravo steći naučni stepen magistra nauka zaključno sa 31.12.2018. godine".

U stavu (14) iza interpunkcijskog znaka zarez, riječi: "a upisani studenti imaju pravo steći naučni stepen magistra nauka zaključno sa 31.12.2016. godine" zamjenjuju se riječima: "a upisani studenti imaju pravo steći naučni stepen magistra nauka zaključno sa 31.12.2018. godine".

Član 3.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst ovoga Zakona.

Član 4.

Ovaj Zakon stupa na snagu danom objavljivanja u "Službenim novinama Kantona Sarajevo".

Broj 01-02-5225/15
31. marta 2015. godine
Sarajevo

Predsjedavajući
Skupštine Kantona Sarajevo
Sejo Bukva, s. r.

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 14/00, 4/01, 28/04, 5/13 i 6/13), člana 39. stav 1. alineja 6. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj 4/04, 29/09 i 18/13), a u skladu sa članom 117. Poslovnika o radu Skupštine Kantona Sarajevo ("Službene novine Kantona Sarajevo", br. 41/12- Drugi novi prečišćeni tekst i br. 15/13 i 47/13), Skupština Kantona Sarajevo, na sjednici održanoj dana 31.03.2015. godine, donijela je

ODLUKU

O DAVANJU SAGLASNOSTI NA FINANSIJSKI PLAN PRIHODA I IZDATAKA JU "SLUŽBA ZA ZAPOŠLJAVANJE KANTONA SARAJEVO" - SARAJEVO ZA 2015. GODINU

I

Daje se saglasnost na Finansijski plan prihoda i izdataka JU "Služba za zapošljavanje Kantona Sarajevo" - Sarajevo za 2015. godinu, koji je sastavni dio ove Odluke.

II

Ova odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01-05-5227/15
31. marta 2015. godine
Sarajevo

Predsjedavajući
Skupštine Kantona Sarajevo
Sejo Bukva, s. r.